

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 18. i člana 27. stav (2) Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj: 32/17) i člana 9. stav (2) i stav (6) Uredbe o izradi strateških dokumenata u Federaciji Bosne i Hercegovine („Službene novine Federacije BiH“, broj: 74/19 i 2/21), na prijedlog Stručne službe za razvoj i međunarodne projekte, Vlada Zeničko-dobojskog kantona, na 122. sjednici, održanoj 27.03.2026. godine,
d o n o s i

ODLUKU

o izradi Strategije razvoja Zeničko-dobojskog kantona za period 2028.-2034. godina

Član 1.

(Predmet)

(1) Pokreće se proces izrade Strategije razvoja Zeničko-dobojskog kantona za period 2028.-2034. godina (u daljnjem tekstu: Strategija razvoja ZDK).

(2) Strategija razvoja ZDK je integrisani, multisektorski strateški dokument Zeničko-dobojskog kantona (u daljnjem tekstu: ZDK) koji definiše javne politike, usmjerava razvoj teritorije ZDK i jedinica lokalne samouprave i zacrtanim strateškim ciljevima i prioritetima predstavlja putokaz za sveukupni društveni razvoj.

(3) Strategijom razvoja ZDK se utvrđuju ciljevi i prioriteti razvoja kantona, način njihovog ostvarivanja, finansijski i institucionalni okvir za provedbu, praćenje, evaluaciju i izvještavanje.

(4) Strategija razvoja ZDK je osnovni polazni dokument i podloga za izradu sektorskih strategija, dokumenta okvirnog budžeta (DOB), budžeta i programa javnih investicija (PJI) kantona, godišnjeg i trogodišnjeg plana rada ministarstava i drugih tijela kantonalne uprave i godišnjeg programa rada Vlade.

(5) Strategija razvoja ZDK predstavlja podlogu za usklađivanje i izradu strategija razvoja jedinica lokalne samouprave u ZDK.

Član 2.

(Principi)

(1) U procesu izrade Strategije razvoja ZDK primjenjivat će se principi razvojnog planiranja i upravljanja razvojem iz člana 4. Zakona o razvojnom planiranju i upravljanju razvojem u Federaciji Bosne i Hercegovine.

(2) Vertikalna i horizontalna koordinacija će se provoditi u skladu sa članom 6. Uredbe o izradi strateških dokumenata u Federaciji Bosne i Hercegovine.

Član 3.

(Nosilac i učesnici izrade)

(1) Nosilac izrade Strategije razvoja ZDK je Vlada ZDK.

(2) Institucionalni okvir za tehničku i stručnu podršku u koordinaciji procesa izrade Strategije razvoja ZDK čini Stručna služba za razvoj i međunarodne projekte ZDK (u daljnjem tekstu: Služba).

(3) Učesnici u procesu izrade Strategije razvoja ZDK su kantonalna ministarstva i druga tijela kantonalne uprave, jedinice lokalne samouprave u ZDK, Vijeće za razvojno planiranje i upravljanje razvojem u ZDK, te socio-ekonomski partneri.

(4) Služba je ovlaštena da po potrebi formira posebna radna tijela za učešće u izradi Strategije razvoja ZDK, kojim se osigurava uključivanje učesnika iz stava (3) ovog člana u svim

fazama procesa izrade Strategije razvoja ZDK, u koja će biti imenovani sekretari ministarstava ili pomoćnici ministara, rukovodioci drugih tijela kantonalne uprave, a u jedinicama lokalne samouprave rukovodeći državni službenici (pomoćnici načelnika).

Član 4.

(Proces izrade)

Proces izrade Strategije razvoja ZDK odvijat će se po sljedećim fazama:

- a) izrada strateške platforme koja obuhvata određivanje vizije razvoja i strateških ciljeva;
- b) određivanje prioriteta i mjera;
- c) identifikacija strateških projekata;
- d) provjera međusobne usklađenosti strateških dokumenata;
- e) izrada indikativnog finansijskog okvira za implementaciju Strategije razvoja ZDK;
- f) definisanje načina implementacije, praćenja, izvještavanja i evaluacije Strategije razvoja ZDK;
- g) usvajanje Strategije razvoja ZDK uz prethodno provođenje procesa konsultacija.

Član 5.

(Rok)

Rok za izradu Strategije razvoja ZDK je 12 mjeseci od dana obezbjeđenja sredstava za izradu Strategije.

Član 6.

(Obezbjeđenje sredstava)

Sredstva potrebna za izradu Strategije razvoja ZDK iznose 85.000,00 KM i dijelom su osigurana u Budžetu Službe za 2026. godinu, preostali dio sredstava osigurat će se u budžetima Službe za 2027. i 2028. godinu, na razdjelu 12, Stručna služba za razvoj i međunarodne projekte, budžetska organizacija 03, potrošačka jedinica 0001, ekonomski kod 613900 – Ugovorene i druge posebne usluge.

Član 7.

(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-24-6269/26

Datum, 27.03.2026. godine

Zenica

PREMIJER

Nezir Pivić

DOSTAVLJENO:

- 1x Stručna služba za razvoj i međunarodne projekte,
- 1x Sva ministarstva i druga tijela kantonalne uprave,
- 1x „Službene novine Zeničko-dobojskog kantona“,
- 1x a/a.